

# 根

九九归原

## 丁亥年黄帝故里拜祖大典特刊



策划：石大东  
 统筹：陈素红  
 执行：陈静 王军方 苏瑜 王冉 赵克 孙昱

### 炎黄赋

莽莽天宇，八万里云驰飘作；恢恢地轮，五千年治乱兴亡。邛碣脊脉，逶迤远连崑崙；河洛清波，浩荡奔注海澱。涉彼洪荒，文明肇创；万代千秋蒙麻，厥功在我炎黄。曩昔混沌未开之时，含哺而无釜甑，结绳不见文字。伐檀有人，莫及舟车；蚕桑未采，何来垂裳。《礼》云：『故人者，其天地之德、阴阳之交、鬼神之会、五行之秀气也。』伟哉炎黄，据天地之大德，值阴阳之交会，通灵鬼神之际，会道五行之秀。礼行赤县，情系苍生。仰望天，俯畏人，惟宽仁恭俭，出于自然；而忠恕诚恻，始终如一。不蔽奸佞之谗，不用取容之士。天下咸归，百姓安乐。是以列星随旋，日月递照，风雨博施，万物得和以生，得养以成。螺祖，黄帝之妃，始创鬻织；仓颉，黄帝之臣，以立文字。炎帝之女精卫，衔石而填沧海；炎帝之臣夸父，逐日以迎霞光。乃神乃人，惟载远古，是传是说，宜辅信史。岁月迁流，穷奇斯生，涿鹿风云突变，域中归于一统，百族聚为中华，自中原而滂沛十方。从兹以还，历三代二千余年而入于秦，再历二千余年而有今。天不欲亡我中华，必不亡中华之文化。中华文化，有源以之开流；神州百族，有秩以之共理。炎黄脊梁遍列九州，姓氏血脉，扬辉全球。龙从云起，先民图腾，乃往昔五千年文明之大标识，亦兹后亿万年之大旌纛。大道之行，讲信修睦，故国之兴，端赖和谐。宇内各族，世界侨属，齐献瓣香，恭祭先祖。历万万代，共众芳之所在，固信美而永驻。刻石再拜，以颂以祷，斯馨无恙。

范曾于抱冲园丙戌冬